

BOOKENDSE VASTELAOVEND VEREINIGING

SCHRAABBERINFO

2024

JUBILEUMEDITIE



4 x 11

1980 - 2024

VASTELAOVEND IN D'N BOOKEND

WWW.WORTELSCHRABBERS.NL

IN DEZE SCHRABBERINFO

VEURWOORD	3
PROGRAMMA VASTELAOVEND	4
SPONSORS	5
HISTORIE	6
PRINSENBAL	9
PRINSENGALLERIE	10
VORSTEPRAOT	14
JEUGDBAL	15
TRUUKBLIK VASTELAOVEND 2022/2023	16
SPONSORS	18
TRUUKBLIK PRINS KAY I	19
SAMENWERKING	20
VRINDE VAN DE WORTELESCHRABBERS	21
JEUGDRECEPTIE	22
TRUUKBLIK JEUGDPRINS LUUK I	23
RECEPTIE	24
JUBILARISSEN/WORTELESCHRABBERSVLAG	25
SPONSORS	26
PROKLAMASIE	27
OET DE ALDE DOES	28
DOLLE MAONDAAG	30
KALENDER 2024	31

VEURWOORD VAN DE VEURZITTER

Beste Bookendenaeren, Worteleschrabbers en Worteleschrabberkes,

Veurig jaor stond in ut veurwoord det we beniejd waere wie det nao 't corona tiedperk de vastelaovend weer door idderein zoël waere opgepak.

Ik dink det men haet kinne zeen det d'r beej idderein weer behoefte waas um effe de boel de boel te laote en gezellig saame te zien. Gezeen de drukte neet allein in d'n Bookend maar euveral in de Provincie kins ze zeen det de vastelaovend deep geworteld zit in ós DNA. Gelukkig maar want heejdoor kinne weej as vastelaovend vereniging auk truuk kieke op unne ziëer geslaagde vastelaovend met in ós midde prins Kay den I met zien adjudante Tim en Dennis. Mien persuunlikke hoëegtepunt waas de Prinsebal nije stiel. Veur ut iers op unne vriedigaovend mit Greun Graas as hoofact die unne voltreffer waere. Dit waas unne geweldig drök bezochte aovend waarbeej ut nije trio 2023 woord oetgeroope.

Nao unne korte truukblik kieke we auk gaer veuroëet. Want kommend seizoen is veur ós as vereniging un biezonger jaor. Weej meuge 44 kerskes oetblaoze in verband mit os 4x11 jäörig jubileum. En doar zien weej bés wal un bietje trots op en det meuge we volgens mich auk wal zien. 4x11 jaor vastelaovend in d'n Bookend. 4x11 jaor herinneringen mit vuel persuunlikke hoëegtepunte, moeije en minder moeije momente. Idderein heet d'r op zien manier aan un bepaold jaor un biezongere herinnering aan in welke rol of hoedanigheid dan auk. En toch is ut gén vanzelfsprekenheid det weej 4x11 jaor bestaon, kiek maar ens um och heer as ze zuus wie vuul vereniginge d'r helaas al nimmer zien in ós dörpke. En juus die vereniginge zien zoe belangriek veur de verbondenheid binne de Bookend. Wat 4x11 jaor geleeje begós mit ut bedinke van unne naam, door Mien en Huub Hendriks en ut officieel starte van de Worteleschrabbers zien we now 4x11 jaor verder en de vereniging is nog steeds springlaevend en in alle opzichte gezônk en steit in ut midde van de samenlaeving. Vastelaovend in d'n Bookend is veur jônk en ald.

Én daor gaon we in 2024 dan auk zeer zeker beej stil staon. Dit jubileum wiile we dan auk gaer viere mit de ganse Bookend en wal op zaoterdig 25 mei. Mier info zal volgen. Die 4x11 jaor hadde weej noets vol kinne maake, zonger ós leeje, ald leeje en alle vreejwilligers, deilnaemers aan ós aktiviteiten en inwoeners van de Bookend. De vreejwilligers zien de minse die nooit op de veurgrond treeje maar waors ze wal altied un beroep op kins doon wannier nuudig. Zónger dees minse genne vastelaovend! Auk det is zeker neet vanzelfsprekend. Dank heejveur de aafgelaupe 4x11 jaor want geej hub ein steinke beejgedraage aan de vereniging toet wat weej now zien.

Weej zeen de toekóms mit vuul vertrouwe tegemoet en haope och allemaol weer te zeen tiedes de vastelaovend in d'n Bookend maar auk zeker tiedes ós jubileumfiës.

Freek Kusters
Veurzitter V.V. de Worteleschrabbers



Programma vastelaovend in d'n Bookend



Prinsenbal
12 jannewari 2024
19.30 oor

Jengdbal
20 jannewari 2024
15.30 oor

Jengdreceptie
27 jannewari 2024
16.00 oor

Prinsenreceptie
4 fibberwari 2024
17.00 oor

**Vastelaovend
in de boos**
11 fibberwari 2024
14.00 oor

Dolle Maondaag
12 fibberwari 2024
14.00 oor

Zitting
7 december 2024
19.30 oor

www.wortel-schrabbers.nl

VASTELAOVEND IN D'N BOOKEND
WUURD MEDE MEUGELIK GEMAK
DOOR:



DIAMANT SPONSORS



LINDERS
FRUIT & VEGETABLES



PLATINUM SPONSORS

AUTOMOBIELBEDRIJF PEETEN



JUMBO
BENDERS
VENLO - BLERICK



TISSEN'S
LOONBEDRIJF BV



TIMMERWERKENVANDIJK.NL



HISTORIE

We beginne met de historie

"De Veteranen"

De vastelaovend in d'n Bookend is oorspronkelijk ontstaon oét de voetbalklup. De ierste aktiviteit die op vastelaovend leek, waas ut verkleid voetballe, al bekint van 1945. Dit waas de ierste en taeves de enigste vastelaoves-veering in d'n Bookend. Wies 1959 waas ut valle en opstaon geblaoze met de vastelaovend. In det jaor kreeg d'n Bookend ziene ierste officiële prins, Baer van de mellukboer (Huijs).



Ut huule vastelaoves gebeure kwaam pas ech op gang toen de veteranen van de voetbalklup ut hef in hande naome. Jan Huijs woord in 1962 d'n ierste prins van de veteranen. Dees 'vrindeklop' haet de vastelaovend in d'n Bookend eine enorme stimulans gegaeve. Onger leiding van vorst Toon Vosbeek en veurzitter Wiel van Kuup (Titulaer) woord d'r jaarliks eine Prins met adjudanten gelaeverd. De raad van elluf bestond toen oet 17 minse, inclusief de reserves. Ein traditie waas, en haet lang stand gehalde, det de dames jaarliks eige kleier ontwerpen en auk alle aktiviteiten en festiviteiten bezochten. Op ein gegeve augenblik ontstond echter ein probleem det alle veteranen al eins ein kier prins waare gewaes, Jan Huijs zelfs twiëe kier. Ut animo woord minder en de veteranen vongen det eure tied gekome waas um eine dieke streep te trekke.

"Oprichting V.V. De Worteschrabbers"

In 1980 kwame Jan Huijs, Kees Mariën, Thei Coenen en Hadje Lenders beej mekaar um de meugelikheeje te bekieke um ein echte vastelaoves vereniging op te richte. Naodet de veteranen eur aktiviteiten gestopt heije, vongen zeej ut toch waal doëdzund det der neet doorgewerkt zoej waere aan dees basis die de veteranen in die jaore heij naergezatte. Um als vastelaoves-vereniging te funktioneren mosse naeve ein bestuur auk noch un raad van elluf hebbe. Naodet eine brief nao alle minse van d'n Bookend waas gesteurd, kwaam dao welgeteld gen ein reactie op (zoeals det in vuul gevalle normaal is). Zeej zien toen persuunlik ein aantal minse gaon benadere, en toen lukte ut wal. De vereniging bestond toen allein oet de bestuurs-leeje, de raad van elluf huurde d'r wal beej maar waare gen lid. De raad woord netuurlik wal op de huugte gehalde van alle aktiviteiten. Ut ierste bestuur bestond toen oet: Hadje Lenders, Jan Huijs, Kees Mariën, Thei Coenen en Sjaarar Klerken. Zeej ware met z'n vieve de kleinste vereniging van d'n Bookend.

"D'n ierste Prins"

In 1981 kvaam de ierste officiële Prins van dees vereniging, namelijk Prins Wiel II (Gubbels), tevens waard auk de naam "de Worteleschrabbers" aan dees vereniging gegaeve, deze naam is toen der tied nog verzonnen door Huub en Mien Hendriks. Eine naam dae natuurliek geënt waas op de zusterverenigingen van "de Wortelepin" en "de Poerker". Det de vastelaovend in d'n Bookend good van de gronk kvaam waas veural te danke aan d'n enorme inzet van Toon Vosbeek. Hae heet er alles aan gedaon um ut publiek in eige dörp te halten. Op dees basis waas ut dus ouk neet moeiliek um door te gaon. De aktiviteiten ontwikkelde zich zoeas det beej ein gooje vereniging huurt. Zoe auk de ierste vastelaoves-zitting in 1979. Hoewel der volgens Thei Coenen ein gooje basis loog, bleek ut publiek der toch neet alle vertrouwen in te hebbe, en ut gevolg waas det d'r maar 45 bezoekers waare gekomme. Toch waer dae avond ein grandioos succes, en det haet zich de afgelaupe jaore genog herhaald. De zittingen zien altied oetverkóch. We hebbe zelfs in 2002 de veurrondes van de buutkampioenschappen van het LVK nao d'n Bookend gehaald.



"Moeder Mie"



Beej Mie van Rutte waas sinds jaor en daag de residentie gevestigd, now is det beej de Boos. Eigelik waas Mie ós beschermvrouwe, in de Kefee van Mie is de vastelaovend ontstoan in d'n Bookend, en det is tot 1990 zoeë gebleve. Beej Mie waas alles meugelik.

Aktiviteiten

De aktiviteiten die door de vereniging georganiseerd weere zien onger angere de zitting, prinsenbal, prinsereceptie vastelaovendmis en vastelaovendmaondaag, wat vruuger ut verkleid voetballe waer. Umdet de kerk in 2023 is onttrokke aan de openbare eredienst zal der veur ut iers in de geschiedenis van de vereniging gen vastelaovesdeens zien.



Jubileum

Weej stoon now aan de veuraovend van ós 44 jöörig jubileum en hubbe inmiddels al dreej jubilea vieringen achter ós ligge, waarbeej 42 hoëgheden mit adjudanten de revue zien gepasseerd, 10 vorsten en 26 dansmarietjes. Beej de viering van ut 33 jöörig jubileum is ós vereeniging auk zichbaar gewaore in d'n Bookend middels ut kunstwerk "De Schrabber" beej de Boos. Dit is ontworpe door Hans Lenders en onthuld tiedes ós 33 jöörig jubileum.



Jubileum 1x11 jaor (1991)



Elk jaor lukt ut ós nog steeds um ein trio te presenteren mit dansmarietjes begeleid door de wieze raad van elluf. Veur ein kleine gemeenschap wie de Bookend is det bes biezónger. Weej zeen de toekóms dan auk mit vertrouwe tegemoet. Gesteund door eine jonge raad van elluf, waar weej nog steeds neet meuge klaage euver de aanwas, de vuule vreejwilligers en ut bestuur maake weej ós op veur ut 44 jöörig jubileum. Daornao maake we ós op veur de kommende 11 jaor.

Vandaag d'n daag organiseert de vastelaovend vereeniging samen met de jeugdclub de ganze vastelaovend in de Bookend.

v.v. de worteleschrabbers

PRINSENBAL


Vriedaag 12 jannewari 2024 - 19.30
oor



Greun Graas



Oetroope nije Trio
jubileumprins



joekskapel
Noëits Genôg



joekskapel
d'n Heiten Haspel

Gratis entree





1959

Bér I (Huijs)

Prinsen Gallerie



1962

Jan I (Huijs)




1963

Jac I (v. Megen)



1970

Toon I (Vosbeek)



1971

Lot I (Rutten)



1972

Thei I (Coenen)



1973

Hein I (Hendriks)



1974

Harrie I (v.d. Loo)



1975

Lambert I (Janssen)



1978

Jan II (Huijs)



1979

Huub I (Hendriks)



1976

Wiel I (Titulaer)



1977

Fiel I (Verstegen)

De Veteranen
1959 - 1980



1980

Cees I (Mariën)

Prinsen Gallerie



1981

Wiel II (Gubbels)



1982

Jeu I (Coenen)




1983

Hadje I (Lenders)



1984

Maan I (Coenen)



1985

Frits I (Hermans)



1986

Jan III (Bongers)



1987

Hen I (Tissen)



1988

Toon II (Verstegen)



1989

Bart I (Huijs)



1990

Hay I (Welles)



1991

Maurice I (Lamber)



1992

Ton I (Gerards)



1993

Jan IV (Welles)

De Worteschrabbers
1981 - 1994



1994


Sra I (Klerken)



1995

Louis I (Peeters)

Prinsen Gallerie



1996

Frans I (Smits)



1997

John I (Bronmans)



1998

Léon I (Holtman)



1999

Chrit I (Gubbels)



2000

Frans II (Relouw)



2001

Jan V (Janssen)



2002

Freek I (Kusters)



2003

Mark I (Steegh)



2004

Hay II (Lamber)



2005

Ruud I (Hendriks)



2006

Ben I (Vrients)



2007

Fred I (Kater)

De Worteschrabbers
1995 - 2008



2008

Eric I (Dings)

Prinsen Gallerie



2009

Ruud II (Jacobs)



2010

Ruud III (Huys)




2011

Roger I (Thomassen)



2012

Rob I (Coenen)



2013

Patrick I (Janssen)



2014

Bart II (Huys)



2015

Ralph I (Keunen)



2016

René I (Heuvelmans)



2017

Frans III (Gubbels)



2018

Jean-Paul I (Westheim)



2019

Niels I (Hendriks)



2020

Jan VI (Tijssen)



2023

Kay I (Jeurissen)

De Worteschrabbers
2009 - 2024



2024

???

VORSTEPRAOT



Patrick: Ha Britt auk heej?

Britt: Jaozeker Patrick, enne hebs ze auk zin in ut nije vastelaovesseizoen?

Patrick: Natuurlijk Britt, ozze jubileum hoegheid kin nimmer wachte, ik gaon der vanoet det geej der auk klaor veur ziet?

Britt: Hielemaol Patrick, weej haope det alle kinger groet en klein met eur elders /opa en oma komme kieke op 20 januari.

Patrick: Beej deze auk eine oproop aan alle (nieje) inwoeners van d'n Bookend um te komme kieke beej och op de jeugdprinsenbal.

Britt: Auk leuk det we vanaaf now nog mier gaon samenwerken met "de Worteleschrabbers".

Patrick: Inderdaad Britt, ut belooft eine schitterende vastelaovend te waere, twie trio's van "de Worteleschrabbers"

Britt: Auk de optoch doon we dit jaor saame, ik begreep al mier as 90 persoenen die mei doon.

Patrick: Det klopt, ein van de hoegtepunte van de vastelaovend wat mich betreft.

Britt: Ik wil dich succes winse op vrijdag 12 januari met ut oetroope van ut trio.

Patrick: Danke, dich auk op de 20 ste, weej zeen os, en op noa ein top samenwerking de kommende jaore.

Geej laest, d'r is vanalles te doon en d'r wurd vanalles georganiseerd, maar det kinne weej neet allein daor hebben we óg veur nuedig!

Ut is good veur d'n Bookend en veur de leefbaarheid in ut dörp, dus schroom neet pak óg op en bezeug ós aktiviteite!



GRATIS
ENTREE

DJ CHOCOTOFF
&
MC DYLAN

OETROOPE
NIEJE JEUGDTRIO

NIEJE
RAOD VAN ELLUF
+ DANSMARIETJES



GRATIS
SNOEPZAKJE

JEUGDBAL

ZAOTERDAAG 20 JANNEWARI 2024 - 15.30 OOR

TRUUKBLIK VASTELAOVEND

2022 / 2023

11e van d'n 11e

't Inscheete afgelaupe jaor (2022) waas nao jaore van afwezigheid weer geprogrammeerd en dit kier vond det plaats in ós eige dörp, en waal op unne vriedaag! De zustervereniginge CV d'n Duikelaer en VG de Wortelepin waare auk aanwezig in groete getale um dit spektakel same mit ós te blieve voortzette. Prins Jan VI en zien adjudanten kostte veur de iërste kier weer sinds begin 2020 eur mantels en mutsen aafstöffte um gezamenlijk in 't gareel (det ging bes aardig!) te laupe. Zelfs Prins Lars I waas aanwezig um 20.11 oor um ein schot te losse, daarmee waas de Vastelaovend van 2023 officieel begós. Aansloétend nog ein geweldige fiësaovend gehad in het kefee van de Boos met alle zusterverenigingen en leeje. 't Waas weer ein latertje..... lang geleeje det 't weer op deze manier kós.



Zitting 10 december 2022

Ein van hoëgtepunte in de vastelaovend is ós eige Zitting. Auk dit jaor weer ein geweldige samenstelling afgewisselt met meziek en buuttereedners! Dit jaor waas d'r zelfs ein jeugdbuut door Jop de Wazelaer, moeilijk um de aovend te starte maar Jop deej ut veurtreffelik! Daonao nog good old Boy Jansen, Dirk Kouwenberg, Helga Cornelissen en as aafsloeting De Toddezek oët Grubbevórs. Auk op dezen aovend werd nao lang (langer as gedach) wachte 't trio 2020 officieel ontdaon van de mantels, mutsen en scepters. Prins Jan VI, adj Freek en adj Ruud beej deze nog ein kier bedank in 't veurop gaon van de Bookendse vastelaovend!

Prinsenbal 2023

Op unne vriedaag.....,veur de iërste kier werd de Prinsenbal gehalde op unne vriedaag. De umzetting van zondaag naor vriedaag waas ein gooje keuze en det bleek auk wal: groëete opkóms, ganse aovend tamtam door de band Greun Graas en 't oetkómme van weer ein top trio Prins Kay I met zien adjudante Dennis en Tim (dae soms auk Wim hoot). 't Nieje trio 2023 kwaam op meziek van The Beach Boys op... in ein vakantiepak mit geblindeerde helm. Nao eine ronde gemak te hebbe door de de fiëszaal kwaame ze oeteindelik terech op unne bühne achterin de zaal. Nao ut wäördje van Vors Raspedorius Roger werd 't nieje trio onthult... en 't fiësgedruis kós beginne. De aovend waas op det moment halverwege.. maar nog lang neet geëindigd. Zoëe as allein weej det kinne in d'n Bookend. Auk waorte d'r op de Prinsenbal 2 nieje dansmariekes onthult Guusje en Evi. Dames welkóm beej de Schrabbers en vuul plezeer en succes de kommende jaore!



In de waeke d'r op....

't Trio 2023 had in de waeke erop eine geweldig joeksige tied samen waornao zeej in willekeurige volgorde everal waor zeej kwaame of de tent op ziene kop hadde gezet of as letste naor hoes ginge en in vuul gevalle auk beide.

Te beginnen met 't jeugdbal, jeugdceptie, recepties, 3-kes boeët, eigen receptie, optochten in Bliërick en Hout-Bliërick en netuurlijk de Dolle Maondaag en de Prinsenmis. Prins Kay I waas zelfs op de bonnefooi naor 't Swaree in Bliërick gegaon en haet met de prins van de Wortelepín nog ens efkes 't Raodhoes op zien grondveste laote schödde!

Prinsenmis



De allerletste Prinsenmis in de kerk waar moei en drök bezoch, netuurlijk umdet idderein nog eine kier deze 'serieuze' aktiviteit in eine tied van feestgedruis woei meimake. Deze kiër interim vors Freek dae 't stökske van Roger euvernaom dae helaas krank op de bank loog. De mis werd door Pastoër Muprappallil weer op ein fijne manier gedaon en Prins Kay I had 'n toespraak van ein paar A4'tjes., auk de emotie in deze monoloog waas toënbaar. Keurig gedaon Kay, auk det is de vastelaovend!

Recepties

Auk idder jaor gaon weej met 't trio, vors, bestuur, sirremoniemeister en raad van 11 de recepties van de 3-kes Nar, trio VG d'n Duikelaer, trio De Poerker en trio van de Wortelepín langs um te fillesetere. Auk kómme deze vereiniginge langs op ós groëete receptie. Ós eige receptie is altied drök bezocht en geit vaak door tot de late uurtjes. Det waas auk deze kier weer 't geval.



Optochten Bliërick en Hout-Bliërick

Zoe ás idder jaor zien weej present in de Bliërickse en Hout-Bliërickse optochten. Idder jaor weer is ein enthousiaste en energieke optochtkemissie in de waer um de



vereiniging weer tip top d'r beej te hebbe laupe in de optochten. Auk dit jaor waas det weer moei um met zo'hne groëete groep deil te naeme! In ein kleurig pak en dito schminck ging Prins Kay I veurop in beide optochten. Op de zaoterdaag waas 't weer ós minder gezind, maar de zondaag maakte det ruumschoots good. Dit jaor zien we weer met ein nog groëtere groep present. Hopelik zeen we óg allemaol of in de optocht of langs de kant.

VASTELAOVEND IN D'N BOOKEND
WUURD MEDE MEUGELIK GEMAK
DOOR:



GOLD SPONSORS



ZILVER SPONSORS



TRUUKBLIK

PRINS KAY I

Beste Vastelaoves vierders!

Nao twee matige Vastelaoves jaore mochte we dan eindelijk weer viere wie van alds. En ut leek d'r op dat idderein ut toch gemis haet, want idder weekend en beej iddere Vastelaoves activiteit leek de zaal voller dan normaal. Det is ein good teiken!

En det zuuse ouk truuk in os vereniging wao ik alweer 6 jaor lid van bin. Vuul jongere die d'r beej komme en de aldere die neet weg te houwe zien 😊. 2023 ein jaor veur mich en mien kwante adjudante um noets mier te vergaete! Ik weit nog good det Roger en Suzan op de stoep stonde, toen veel ut kwartje al gauw. Det waas al in 2021. Mien adjudante oetgezoch um eine leuke tied mei te hebbe en die zeije ouk nog jao! Ut nieje trio met Tim en Dennis waas ontstaon!



Vanaaf toen ging ut belke rolle en koste we beginne met de veurbereidinge. Helaas woord ut nieje Vastelaoves seizoen al snel aafgeblaoze. In 2022 koste we toch nog ein bietje kinne viere met z'n alle. Met miene gekleurde prinsemuts nog ein hint probere aaf te gaeve maar det had neemand door. Boete Patrick dae haos van zien kruk veel toen hae ut zoog 😊.

Op 20 januari 2023 waas ut dan eindelijk zoë wiet, met kersverse dansmarietjes en vuul zenuwe de buun op en naor ein paar schoene waord van ozze Vors kwaame weej oet!

De Vastelaovend dae volgde waar top! Met vuul lol, plezeer en gelach. Same met os dames en kinder ein prachtige tied gehad um noets te vergaete! Ut eine weekend nog leuker dan ut andere, met een super receptie. Weej stonde der ouk weer moei op in de optoch, met eine prachtige wage en super weer!

Weej hebbe de Vastelaoved gevierd zoë wie weej woele. Bedank det geej d'r beej waar! Weej prooste met och op ut volgende Vastelaoves seizoen met een shotje zoë wie det huurt.

Proost! Prins Kay I en zien adjudanten Dennis en Tim



SAMENWERKING

WORTELESCHRABBERS + JEUGDCLUB

Dit jaor zal d'r veur ut iérs in de geschiedenis van ós vereniging eine jeugdprins of jeugdprinses waere oetgeroope vanoet de Worteleschrabbers!

Daor zien weej as vereniging ontzettend bliej mei maar auk trôts op.

Dit haet alles te maake mit ut feit det weej as vereniging same mit de jeugdclub de hande inein hebbe geslaage um mier mit elkaar te gaon samenwerke op ut gebied van de vastenaovend.

Ein van die zaake is ut oétroope van de iérste jeugdprins of jeugdprinses van de Worteleschrabbers maar auk in de optocht zulle weej same gaon optrekke. Inmiddels zitte we op bijna honderd deilnaemers wat veur eine kleurriek groep zal gaon zörge.

Dit zien de iérste stappen die we in gezamenlijkheid zien aan ut zette. De kómmende tied gaon we saame kieke/onderzeuke wie we de samenwerking noch verder kinne vormgaeve.

Ziet geej beniejd wae de allerierste jeugdprins of prinses geit waere van de Wortelschrabbers kom den allemaol noar ut oetroope op zaoterdig 20 jannewarie in de Boos.

Op unne moeie toekóms veur d'n Bookendse vastelaovend!



VRINDE VAN DE WORTELESCHRABBERS

*DRUUGS DICH D'N BOOKENDSE
VASTELAOVEND UN WERM HERT TOE?*

DAN HEB ZE DE MEUGELIJKHEID UM DE
VEREINIGING TE ÓNDERSTEUNE AS
"VRIND VAN DE WORTELESCHRABBERS"..

VRIND VAN DE WORTELESCHRABBERS
BIS SE VEUR 'N JAORLIJKS BEDRAAG VAN
€ 11,- P.P.

OP DEES MENIER HALDE WEEJ DE
ÓNDERSTEUNING LIEGDREMPELIG EN
MAKE 'T VEUR IDDERE BOOKENDSE MINS
MEUGELIK UM MEI TE DOON.

WUURSE DIT JAOR VRIND DAN MAKS ZE
KANS OP VERSCHILLENDE PRIEZE!

- DAGJE CABRIO RIEJE MET DE MAZDA
MX-5 GESPONSORD DOOR MAZDA
PEETEN OET BAOLDER
- 2 X AETBON TER WAARDE VAN 50,- VEUR
KWARTELEMERT 11 OP 3
- WIENPAKKET VAN UT WIENHOES OET
BLIÈRICK

VRIND WAERE?

MELD DICH AAN BEEJ DE PIEKE KEMISSIE
OF
SCAN DE QR-CODE



BOOKENDSE
VASTELAOVEND
VEREINIGING

NL 59 RABO 1077.326.874
T.N.V. VV DE WORTELESCHRABBERS



WWW.WORTELESCHRABBERS.NL



Z A O T E R D A A G 27 J A N N E W A R I 2024

Jengd receptie

16.00 OOR

nieje trio

raad van elf

dansmarietjes

Prins(es) ?

+
adjndanten
??



TRUUKBLIK

JEUGDPRINS LUK I

Ik waas dit jaar Jeugdprins samen met mien adjudanten Ties en Ruben!
De beste Vastelaovend van os leave!

Ut begös allemaol oktober 2021 toen woord ik gevraagd of ik Jeugdprins woel waere. Mien antwoord waas geliek "JAO". Helaas meuste we neet un paar maond wachte,, .maar we meuste bijna 1,5 jaar wachte tot we ut eindelijk mochte zegge. Want Vastelaovend 2022 ging neejt door... uiteraard door Corona. Maar ut waas ut wachte zeker weerd. Toen we un week veur ut oetkomme opens Kay met zien adjudanten zoeg staon toen hadden we d'r allein maar nog mier zin in.

Op de daag zelf mochten we ut eindelijk vertelle. Vanaaf dae daag zien we elk weekend beej un receptie, jeugdbal, disco of optocht gewaes ut waas elk wiekend huul gezellig. Soms same met ut groëte trio en soms met z'n dreën maar altied met ozze Vors Britt, de Raod van 11 en de Dansmarietjes. We zien op vuul plekke gewaes. Ut leukste vond ik de optocht in Bliërick met zoevuul minse langs de kant. Snoep goeie, muziek en nog vuul mier!

Os eigen receptie waas auk huul erg leuk. Vuul minse, vuul hendjes geschöd en huul vuul cadeaus. De receptie zelf ging maar daor ut zoel rond 6 aor afgelaupe zien maar we ware um 7 aor nog bezig. De afterparty beej Ties waas auk nog super leuk. Deze Vastelaovendstied is veurbeej gevlooge veurdet we ut wiste waas ut alweer veurbeej!





4 x 11
1980 - 2024



ZONDAAG

4 FEBRUARI 2024

17.00 OOR

PRINSENRECEPTIE

V.V. "DE WORTELESCHRABBERS"

NAO AAFLAUP.....



LA BAMBA

MUZIKALE BEGELEIDING



CAFÉ | FEESTZAAL
Boostenhof

JUBILARISSEN

Op 13 oktober j.l. tiedes de jaorvergadering van V.V. de Worteleschrabbers zien de jubilarissen in het zûnke gezatte. Dit jaor jubileerde Ruud Huys en Paul Janssen allebei 2×11 jaor. Door veurzitter Freek Kusters waord ut traditionele 2×11 jaor speldje euverhandigd en unne moeie boes blomen. Names ut bestuur wille weej og via deze weag nog unne kier bedanken voor óg bewezen deenste en haope nog lang op óg te kinne reakene, in welke vorm dan auk!



WORTELESCHRABBERSVLAG

Wat zuuj d'r moeier zien dan det in ós jubileumjaor tiedes ut vastelaovesseizoen in de ganse Bookend massaal de vlag oét hangt um 't vastelaovesgeveul in ut dörp te versterken. Mocht geej nog gen vlag hebben dan zien die nog te kriege via:

info@worteleschrabbers.nl of beej 't sikkertariaat





ZILVER SPONSORS



BRONS SPONSORS





Vorst Hadje 1988 - 1996



Verkleid voetballen 1988



Proklematie veurleeze Prins Wiel 1981



Zitting "modeshow" 1990



Mevr. de Wit met ut vaandel



Prins Maurice I beej Mie van Rutten 1991



Vastelaovend 1985 in 't café



Dansmarietjes Anette & Ans 1981-1983

Optoch 1990 Don Bosco schoël meug neet geslaote waere!!!



In de buutte ton 1983





Trio 1991 met de voltallige raad van 11



Optoch 1992




Dé Worteleschrabbers wortels



Freek Kusters alias Bill Clinton 2009

Hoéze versiere 1995



Prins Kay I 2023 met de welbekinde 'reek'



vastelaovendmaondaag 12 fibberwari vanaaf 14.00 oor

DOLLE MAONDAAG

"vastelaovend veur jôngk en ald"



GUUSJE & NOA



AUK KWANT



COEN JANSSEN



LEK MICH DE TES

GROËETE BOOKENDSE OPTOCHT
14.00 OOR

TOMBOLA
"VRINDE VAN DE WORTELESCHRABBERS"

BEZEUK **3** DE KES

CAFE | RESTAURANT
Boostenhof

GRATIS ENTREE

KALENDER 2024 V.V. "DE WORTELESCHRABBERS"

*Euverzicht van bezoeken, activiteiten en acties
waaraan "De Worteleschrabbers" deelnemen:*

6 januari 2024	Ald Papeer Actie
6 januari 2024	Kerstboom ophaole
12 januari 2024	Prinsenbal Worteleschrabbers, Bookend
20 januari 2024	Jeugdbal, Bookend
3 februari 2024	Ald Papeer Actie
26 januari 2024	Jeugdprinsentreffen, Hout-Blierick
27 januari 2024	Jeugdceptie, Bookend
28 januari 2024	Poerker receptie, Hout-Blierick
2 februari 2024	Jeugdceptie De Poerker, Hout-Blierick
3 februari 2024	Prinsfoto's jeugd, Venlo
3 februari 2024	Jeugdprinsfoto, Tegelen
3 februari 2024	3-kes Daag, Venlo
3 februari 2024	Jeugdceptie De Kwas, Venlo
3 februari 2024	Jeugdceptie De Paörtjes
4 februari 2024	Receptie Wortelepin, Blierick
4 februari 2024	Jeugdceptie Wortelepin, Blierick
4 februari 2024	Receptie Duikelaer, Blierick
4 februari 2024	Receptie Worteleschrabbers, Bookend
9 februari 2024	Bezoek Harlekijn, Blierick (o.v.b.)
9 februari 2024	Bezoek "De Bekkerie", Bookend
9 februari 2024	Jeugddisco, Bookend
10 februari 2024	Optocht Poerker, Hout-Blierick
11 februari 2024	Optocht Wortelepin, Blierick
11 februari 2024	Vastelaovend in de Boos, Bookend
12 februari 2024	Optocht, Bookend
12 februari 2024	Dolle Maondaag, Bookend
13 februari 2024	Boerelunch, Bookend
13 februari 2024	Boerebroelof, Venlo
14 februari 2024	Aswoensdaag
2 maart 2024	Ald Papeer Actie
6 april 2024	Ald Papeer Actie
4 mei 2024	Ald Papeer Actie
25 mei 2024	Jubileum avond 4 x 11 jaor Worteleschrabbers
1 juni 2024	Ald Papeer Actie
6 juli 2024	Ald Papeer Actie
3 augustus 2024	Ald Papeer Actie
7 september 2024	Ald Papeer Actie
5 oktober 2024	Ald Papeer Actie
11 oktober 2024	Jaorvergadering
2 november 2024	Ald Papeer Actie
11 november 2024	Inscheete Vastelaovend, Blierick
17 november 2024	Veurverkoop Zitting
7 december 2024	Ald Papeer Actie
7 december 2024	Zitting Worteleschrabbers, Bookend



WWW.WORTELESCHRABBERS.NL

BESTUUR V.V. DE WORTELESCHRABBERS

VEURZITTER

Freek Kusters

SIKKERTARIS

Kevin van Megen

PENNINGMEISTER

Peter Titulaer

VORS / PRINSEN KEMMISSIE

Patrick Janssen

SPONSOR KEMMISSIE

René van Boekholdt

OPTOCHT & KLEIER KEMMISSIE

Mieke Coenen

TECHNISCHE KEMMISSIE

Harry Verstegen

ARTIESTEN KEMMISSIE

Fred Niessen



WWW.WORTELESCHRABBERS.NL



INFO@WORTELESCHRABBERS.NL



VASTELAOVEND VEREINIGING DE WORTELESCHRABBERS

